

է, և ընդհարումը անխուսափելի է թուում, եթէ ձեռք չառնեն արտակարգ միջոցներ»:

Ազգ. Խորհուրդը երկար քննութիւնից յետոյ որոշեց. 1) Ձեռք առնել բոլոր միջոցները, որ ընդհարում տեղի չունենայ՝ ազդելով երկու կողմերի վրա: 2) Եթէ անհնար եղաւ ընդհարման առաջն առնել, ձեռք առնել բոլոր ինքնապաշտպանողական միջոցները, որ հայ ազգաբնակութիւնը ընդհարման ժամանակ չտուժէ:

Երեկոյեան դէմ, ժամը 6-ին, շնայած ձեռք առնւած բոլոր միջոցների, սկսեց հրացանածղութիւն: Կռիւր սկսողը եղան թուրքերը Շեմախինկայում,* ուր յարձակում գործեցին կարմիր գւարդիայի մի խմբի վրա: Այդ ազգանշան եղաւ կռիւ՝ ամբողջ քաղաքում: Շուտով սկսեցին կրակել և թնդանօթները նաւերից: Նկատի ունենալով, որ սկսւած արիւնահեղ կռիւր անխուսափելիորէն կարող է աղէտաւոր հետեանքներ ունենալ ամբողջ քաղաքի համար, Խորհուրդը իր արտակարգ նիստում որոշեց մի անգամ ևս միջամտել՝ ազդելու համար երկու կողմերի վրա, որ դադարեցնեն կռիւրը:

Որոշեց յանձնարարել նախագահին (Ա. Գիւլիսանդանեան), Ս. Արարատեանին և Ն. Տէր-Ղազարեանին՝ խօսելու այդ նպատակով Զինւ.-Յեղափ. Կոմիտէի հետ, իսկ բժ. Լ. Աթաբէգեանին, Տ. Բասխանեանին, Հ. Տէր-Միքայէլեանին և Ա. Զիլինգարեանին խօսել թուրքական կոմիտէի հետ»:

«Յաջորդ (մարտ 20-ի) նիստում գեկուցում են ընտրւած երկու պատւիրակութիւնները իրենց առաքելութեան անյաջողութեան մասին: Պարզում է արդէն, որ Յեղափ. Կոմիտէի զորքերը ամբողջ գծի վրա առաջ են շարժւում, և թուրքերը նահանջում են սարսափահար: Նկատի ունենալով այն հանգամանքը, որ քաղաքում հաւաքւած շատ հայ անկազմակերպ զինւորներ և մասամբ Ազգ. Խորհրդին ենթակայ որոշ հայ զինւորներ տարերային կերպով մղում ունեն մասնակցելու կռիւն, որոշեց ամենակտրուկ միջոցները ձեռք առնել, որ Ազգ. Խորհրդին ենթակայ ո՛չ մի զինւոր չմասնակցի կռիւն, և բոլոր հայկական զորամասերը մնան ինքնապաշտպանողական դերի մէջ:

2) Նկատի ունենալով այն հանգամանքը, որ կռիւ ժամանակ բազմաթիւ անմեղ թուրքեր ենթարկւում են յարձակման և որ այդ կատարւում է հայկական թաղամասում, յաճախ, հայ զինւորների կողմից, որոշեց կտրուկ միջոցներ ձեռք առնել հայ թաղամասերում ապրող կամ ապաստանած թուրքերին Խորհրդի հովանաւորութեան տակ առնելու: Այդ նպատակով որոշեց նշանակել Դ. Անանունին ընդհանուր հոգաբարձու և լիազօրութիւն տալ նրան հաւաքելու թուրքերին որոշ ապահով տեղերում ու խնամել նրանց, մինչև որ վտանգը կը վերանայ, որից յետոյ բոլորն էլ կը փոխադրւեն թուրքական մասը: Այդ նպատակով պէտք եղած զինւորական ուժը Ազգ. Խորհուրդը որոշեց տրամադրել հոգաբարձուին: Եթէ պատասպանած թուրքերի վրա որևէ յարձակում լինի, որոշեց դիմել ծայրայեղ միջոցների՝ կանգ չառնելով նոյնիսկ գէնքի դործածութեան առաջ»:

«Յերեկայ ժամը 3-ին թուրքերը ընդունեցին Զինւ.-Յեղափ. Կոմիտէի վերջնազդիւրը: Հաշտութեան նպատակու համար որոշեց յանձնարարել Ս. Արարատեանին դնալ Զինւ.-Յեղափ. Կոմիտէ, ներկայ լինել հաշտութեան կնքման ժամանակ և հարկ եղած աջակցութիւնը ցոյց տալ հաշտութեան գործը դիւրացնելու համար: Որոշեց տալ Արարատեանին լիազօրութիւն, եթէ պէտք լինէր, յայտնելու, որ Հայոց Ազգ. Խորհրդի Բագուի մասնաճիւղն ևս պատրաստ է ընդունել թուրքերին ներկայացւած վերջնազդի այն կէտը, որ վերաբերւում է ազգային զորամասերին»:

*) Բագուի բրբական մէկ բաղը: